

麗陽志

77 44260.179
138.1
部 102.1012



同治庚午年重修

肥陽志

板藏鄖山書院

重脩鄖陽府志序

皇帝嗣統三年首蕩粵氛廓清江表又四年擒逆就殲大河南北以次敕定

詔開方畧館

諭直省督撫分檄郡縣纂輯志乘以資採擇鄖介秦楚之垂六邑舊無志頃承

大府命各勤蒐獵先後成書悉達諸郡余前任金君鐵杉守鄖之三年實建謀而未果余以庚

鄖陽志

卷首

序

午季春承乏是邦甫下車都人士即以為言余心違之而未猝以應居數月與僚吏士夫等晨夕諮諏郊圻封守土俗民風具聞其概讀瀘洲王方山舊志則七十三年間廢興損益蓋將有倍蓰什伯之不可齊者時桐城王畏甫以公車士主講於斯四年矣乃就而謀之畏甫作而語曰嗟乎立言之道與立政相表裏成王之命畢公曰政貴有恆辭尚體要體以致用要則不煩

是乃易之所為有物有序司馬子長所奉為義法者也君既以立言之道措之政而裕如矣今且以見諸政者著於冊某不敏敢不載筆以從爰纂日治館郵致諸書延訪耆舊發凡起例分門粹輯三閱月而書以成行付梓矣而長白慶君適至衷而授之俾終役焉余惟書契聿興百官以治萬民以察其詳且備者莫著於聖人之書禹貢志地周禮志官志之所從始也禹躬歷

鄖陽志

卷首

序

二

九州成天平地塗山之會執玉帛者萬國周公興禮作樂創制顯庸開一代太平之治是二聖者非不能為華贍之文也今讀其所志禹貢則綱二而目九周禮則綱六而目三百六十覈其文少者數千多亦無踰數萬蓋聖人之意以為吾所言者皆吾所可用者也一時用之萬世用之可也其無所用奚以煩為余之為是志也竊隱祖其義而不敢多所摭拾重蹈傷煩之誚至

窮簷陋巷忠義節烈則備登之凡以見
聖化之所鼓舞

德澤之所涵濡不以荒陬而或異而

國家道一風同之盛亦可見矣其巖疆要隘兵事
始末燦然具陳他日獻之

闕下登於

史館籌邊慮患之道審幾戡亂之策考方畧者或
有取焉

鄖陽志

卷首

序

三

同治庚午長至日全椒吳葆儀覲臣甫撰



艮陽府志序

古之稱致遠者莫如車然五寸之轂不適於規則
跬步無以進得其灋而治之駕輕就熟立致千里
御者不勞然王良駟乘造父執鞭而燕趙之輪不
通於閩越言治者必依諸灋言灋者必權諸地也
余咎供事

內廷提調

國史館讀

鄖陽志

卷首

序

睿皇帝平定三省方畧念曩者教匪之變伏莽數千人嘯
聚艮陽出沒縱橫蔓延川陝

國家勤師費餉合滿漢官軍數十萬積六七年僅乃
克之則艮屬之奧衍崎嶇宅幽勢阻蓋非尋常要
隘之所能匹矣今夏四月恭承

簡命出典斯邦道出襄樊舍車而泝漢見夫嶺谷互盤
川原錯匯輕舟所過懸巖峭壁駭目驚心又兵燹
之後災眚頻仍山不句萌土無隙壤民之產斯域

者何以自卽於安全厚其生而利其用官之入斯
域者又何以驟悉其土俗周知其利病以宣

朝廷

之德意也哉履歷之明日而全椒吳君覲臣出所
繕府志畀余終梓余受而讀之為綱者八為目者
三十有六為言三十四萬有奇文約而事賅體嚴
而義廣披圖按籍六邑風物如在戶庭而城郭關
隘學校賦役軍制兵防所以衛民命足民食惜民
財導民於禮義約民於軌物者尤三致意焉前事

鄖陽志

卷首

序

二

之師周行之示備於此矣余深異吳君以數月之
寄通政和人昕夕探摭手成鉅典余復會逢其適
始之不慮而樂襄厥終而其書上足備

國史之選下足垂來者之庥又匪獨區區之私奉為指
南已也是為敘

同治九年庚午嘉平月朔長白慶裕蘭圃氏謨



書鄖陽府志後

志之始興昉於周禮盛於漢儒凡興禮作樂創制顯庸有則登之疑則闕之為一方之信史俾官其土者按籍而求洞若觀火因革損益有所依據則志之為用不誠重且大哉鄖值雍梁荆豫之交萬山環繞民性質樸而林深路險最易為盜賊逋逃藪明成化間設巡撫控馭之遂成巨鎮漸為衣冠文物之邦矣咸豐初年粵匪滋事曾節相文正公時為兵部侍郎勦賊彭楊兩官保創水師製戈船助之余從李節相黃軍門後所向有功大府以為能令管帶淮揚水師兼統江蘇撫

鄖陽志

序

標各軍同治元二三年克復江蘇省城並各州縣於同治三年奏署江南福山鎮篆務八年署長江水師江陰協九年奏補江陰協篆十一年四月奉 命補授鄖陽總鎮到任後整頓營伍約束弁兵之暇與郡人士接見詢地方之利弊山川之險要有告余者曰盍觀太守長白慶公重修之鄖陽府志乎公所詢者志中已詳言一披閱可曉然矣余取府志讀之其詞約而賅其義嚴以正凡六邑之郊圻封疆土俗民風學校賦役營制以及孝子節婦賢士隱逸條分縷晰莫不備載並考出康熙年間協鎮崔相國捐義學田畝二十九區在高

二里久被土人侵佔余亟飭將脩清釐獲以小改大之田二十五區當追還勒碑於署前西轅門內並修造青蓮書屋於西轅門外捐廉俸加修脯添置學田一段坐落豐宜保歲獲穀四石以勗不足並於署內左側獨捐廉俸另設義學一堂一以教營兵子弟一以教軍民人等之願學無力者歲豐四年教匪嘯聚鄖境所轄六營乏口糧借食六邑常平倉穀二萬石事已十餘年近為司藩條者迭檄催取余憐兵之貧不能償商同太守慶公蘭圃稟督部 奏豁兵累以紓復與慶公各捐廉俸置買義山造義渡二大艦而慶公樂於成人之

美事事與余共無難色今慶公陞授奉天府府尹將去鄖余維建武廟及捐米濟貧均余獨為之可弗傳而義學田畝較多義山義渡則慶公助余成之者余恐慶公樂與人為善之雅意久而就湮且恐後之官斯土不知義學義渡義山之由仍被土人攘奪如協鎮崔相國故事因補載於郡志之上俾後來者得有所考焉於是乎書

誥授建威將軍

賞戴花翎

記名簡放提督達桑阿巴圖魯湖北鄖陽總鎮衡陽成俞卿楚材氏撰

王正常原序

杜君卿有言志地理者在辨區域徵因革知要害察風土李
宏憲謂飾州邦而敘人物因邱墓而徵鬼神乃言地理之通
弊似不必及人物者余讀華陽國志於漢晉間士女表功勛
旌賢能猶恐或佚自州都中正之職不修鄉閭士女之行非
野史紀述卽無由表見使忠魂義骨與塵埃野馬同飄沒於
邱原呂微仲所爲歎惜也修志者殆必兼之鄭漁仲曰志之
大原出於爾雅詳浮言畧事實皆未足盡爾雅之義余輯卽
陽志蓋奉是爲圭臬體崇矜慎詞勿支離而於阨塞要害典
型風教尤加詳焉乃意思零落性復遺忘不能成以獨手於

鄖陽志

卷首

原序

一

是列表繪圖較同辨異則潘玠齋

應龍

任之博採者舊遐蒐

金石則唐未之

承中

呂象一

之儀

任之至名實混淆徵引援

据者熊雪槎

堂

也緒分類合兼綜條貫者謝翔青

攀雲

也若

夫去取從違理歸宜適則

常

竊取之矣書成凡得十卷統計

二十四萬餘言嘉慶二年冬長至日瀘州王正常譔

明徐學謨原序

鄖志志鄖也鄖故襄之屬邑也其省而濟之郡則自純皇帝之十有二年從御史大夫原公傑之請也曷請之劉石之既平也天造草昧宜建侯而不寧夫是以城鄖而增其式廓焉而用二千石以鎮撫而室也而益之縣六又益之縣一而七焉蓋參楚之轄郡而十五之矣茲鄖之故也正德初志之矣而距草昧不三十年而近志猶弗志也迄今百年矣代綿而事逸鄖之父兄長老駸駸凌彘盡矣而莫或覩記之二千石將何恃以舉政夫是以宋豸之亟是也而檄襄史圖焉襄史固良於志也括其綱而論次之爲二十六焉而鄖之大都備

鄖陽志

卷首

原序

一

矣何前之茫然而今之燦然秩然也故曰鄖無志志之自今始也二千石可以觀政矣御史大夫徐學謨曰夫志史之流也以徵成敗而存興替志鄖者直志鄖哉將以治鄖也治鄖奈何夫鄖雍梁荆豫之交豁訝堯嶠之區也深箐閬叢極目千里異時鴻雁之民不肅肅嗷嗷而飲啄於其土乎是故喜相舐怒相撻突而耨鉏也突而戈鋌也反側呼吸爾治之不誠艱且棘哉然自原公治之而匡襄定矣百堵集矣齊而井伍之矣役而踐更之矣輸而租稅之矣巖之棲而野之茹日用飲食而已纖嗇不出游惰不入也百年以來始於劬勞而究於安宅也擾之視列郡加輕焉則又何以故夫齒角之爭

也非茹毛飲血之遺乎而至治出焉蓋鹿豕之性其神無郤也其天無闕也無郤故鑿之難無闕故順之易也洪荒降爲忠質矣忠質降爲文明矣文之弊也而風斯靡焉風之靡也而法令滋彰矣法令彰而民之駭機動矣是故黠者逞而囂囂愈不測聖人有憂焉將挽之於忠質而不可得則思其野焉思其鄙焉夫鄙與野衆人之所棄也而孔子老聃奚取之取之近乎古而可恃以權輿教化所謂賁極而反其本也楚文明之正位也列郡麗焉而鄖其微也若殿之矣而鄙與野固在焉欲反其本舍鄖將焉之乎是聖人之所取也故治鄖者無容斤斤焉而雕琢之也譬之假寐者彼方遊乎化人之

鄖陽志

卷首

原序

二

國至樂也乃欲提其耳而省聒之不重滋其駭機矣乎君子長者悶悶而坐理之以無忘蓋公之旨而事辦矣是鄖亦楚之華胥也不文奚病焉此志鄖者之意也詩不云乎天作高山太王荒之彼作矣文王康之語治由積累成也荒鄖者不原公哉今去原公遠矣而誰與康之御史大夫不敢尸也事在良二千石而已襄史者滇人周紹稷也以公車士備襄藩文學掌故云萬厯年月日

例言

一 鄖陽郡志自瀘洲王正常成於嘉慶四年蒐輯舊聞網羅
散軼體嚴詞雅囊括無遺三百一十五年隆替廢興炳如
觀火誠一方之信史曠代之良觚也第夷考其時邑乘未
備遺獻鮮徵載筆於倥偬戎馬之餘簡帙所登不無滲漏
觀續編之作其廩廩於是書與其惓惓於此邦者爲何如
哉茲編體例畧師其舊而更損二門非敢苟爲沿襲亦不
欲妄事更張惟言有所統事以類從庶覽者無紛糾之患
一 郡邑之有志洪纖並登非將以觀美也猶有家者籍記其
家之所有云爾治家之道田晦困倉下逮鹽醯豉醬罔不

鄖陽志

卷首

例言

按籍以酌其盈虛而預爲區畫爲天子守土牧民其道亦
猶是也茲編所紀凡有裨於民有濟於用者雖瑣必錄不
則雖愛亦捐

一 古人陳書左圖右史蕭何入關收秦世圖籍圖之先籍舊
矣書契未作以前日月星辰麗於天五岳四瀆麗於地皆
圖象之昭然者也河出圖而必犧畫卦洛出書而必禹演
疇河圖洛書皆圖也圖其文字之祖乎舊志次圖於沿革
疆域後未免稍混今特列繪卷首俾幅員封畛開卷而悉
其凡

一 志例每門緣起必用小序約陳所志大指其法蓋原於詩

序書序之舊非馬端臨文獻通考康對山武功志所私創也班固食貨郊祀等志皆有贊贊亦序也或前或後其義一爾舊志謂陳陳相因見而生厭夫其可厭者乃詭爲高簡膚引凡近之詞若指事類情義各有當何厭之有星野之說昉於周禮保章氏而熾於漢儒蓋識緯家習珍之秉理者弗貴焉自司馬遷作天官書班固志天文而歷代史志遞加詳核然皆以著天人相應之理爲有天下者言之非郡邑所私據也歷象之職朝廷自有專官句股之傳草澤秘爲絕學務非常急人難盡通舊志畧見於沿革之首不復列門最爲有識今仍之

鄖陽志

卷首

例言

一志莫蹟於山川鄖厝隴蜀之交巖嶺緼盤谿谷鍾匯實爲南條奧域舊志博稽水經注及方輿紀勝等書抒述甚富然往往徵古多而据今少夫亦窮陬僻壤躬陟難周碎橐零箋借資莫備作者無所席手不能不攜拾以成篇也茲爲剔其冗蔓正其譌誤增其缺佚凡夫岡陵林麓淵藪陂池苟足壯坤紀而衛民生悉爲彙入其阜埴汗潢無關滄峙者則縣志具存

一鄖自置郡以來垂四百年風氣仍未盡闢其以道德功業畸節偉行焜耀簡冊者蓋鮮舊志人物一門摻括難充遂承以列女流腐而別析選舉爲門今一取而合之俾都人

士憬然於前所選舉即已往之人物而今所選舉亦將來之人物也與斯列者其勛之

一祥異之志同於星野而其說視星野爲尤誕舊志不列星野而列祥異亦創體之未精者茲概著於叢紀畧爲司牧者鑒戒

一事關典章及

列聖論節具詳

大清會典各直省通志非耶所得尚書又藝文例載書目不得以詩文濫充門類舊志辯之綦詳今不具論

一茲編據舊志爲端緒而以續編與各縣新志分門粹輯其

耶陽志

卷首

例言

三

間有仍舊徵引及增減前文不復識別舊有案語悉書舊志若採用康熙舊志則書前志以別之管蠡之見坳綴數語庶不相溷

纂脩姓氏

王脩

鹽運使銜署鄖陽府知府 吳葆儀 觀臣

栞梓

三品銜候選道鄖陽府知府 慶裕 蘭圃

纂脩

安徽甲子舉人 王嚴恭 寅齋

佐脩

鄖縣知縣 章樾 幼樵

房縣知縣 郭俊 顛橋

鄖陽志

卷首

姓氏

一

竹山縣知縣 周士楨 廉臣

署竹谿縣知縣 陳秉信 慶堂

保康縣知縣 林暄 煦齋

署保康縣知縣 史致謨 幹甫

鄖西縣知縣 張文鼎 新翹

分纂

候選同知 朱綬 靜軒

中書銜鄖縣教諭 劉觀昌 東壁

總校

六品銜湖北試用從九張翼 端吾

分校

鹽提舉銜候選訓導崔誥雲九

候選訓導徐玉成子潤

候選教諭房縣恩貢生周潤階平

房縣增生冀富琮錦庭

督梓

雲騎尉世職湖北候補從九王文駿少琴

鄖陽志

卷首

姓氏

二